

MEDER ARSUAGA SAEZ

A Maila | Olerkia | aipamen saria

Meder Arsuaga naiz, 17 urte ditut eta Ordizian bizi naiz. Derrigorrezko bigarren hezkuntza ikasi ostean, Batxilergo biosanitarioa ikasten ari naiz Oianguren ikastetxean. Oso gustuko dut lagunekin egotea eta kirola egitea. Nire kirolik gustukoena saskibaloia da.



BETIKO IZAN BEHARKO ZENUKE

Musika duzu aldatu eta

Musikak zaitu aldatu

Nire negarra ere askotan

Duzu irribarre bihurtu

Eskaini dizkidazun urteak

Soilik ditzaket eskertu

Momentu txarrak ahaztu eta

Onenez gogoratu

Txikitatik zure altzoan

Maitasunez nauzu hartu

Eta maitasun hori guztia

Momentu oro dut islatu

Zure irribarre goxoa

Beti aurpegian margoa

Hiztegian duzu zuk

Goxotasun mintzoa

Zimurrak, orbanak eta

Esperientziaz beteriko azala

Egunerokoan azaltzen

zara zu bikaina.

Maitasuna zu zara

eta horregatik izan beharko zinateke

inmortala

Ilea zilarrezkoa

eta bihotza urrezkoa

ni naiz ni zorionekoa

Zure barrea, doinu lasaia,

nire bihotzean dirauen oihartzuna.

Pazientzia handiz
nire ibilera gidatu duzu
gauetz itsasargia bezala,
nire argia zaitut.

Bizitzaren liburuan, zure kapitulua altxor hutsa da.
maitasuna bildu eta ematen , ondare gozo bat.
nire barruan aurkituko duzu beti ,
zure esentziak distira egingo duen txoko bat.

Segi ezazu aurrera aitona
Nahiz eta hatzak nekatu
Zure eskusoinuaren soinua
Ez dadin inoiz bukatu